

دفتر مخصوصه

درسعادتده باب عالی جوارنده

محل اداره :

مشرط القیم

اخطار :

مسلكمزه موافق آثار جدیده مع المنوبه
قبول اورانور

درج ایمنه بن آثار اعاده او تاز

دیر، فلسفه، علوم، حقوق، ادبیات و سیاسیات و بالخاصه کرب سیاسی و کرب اجتماعی و مدنی احوال و مشور و اسلامیه و در بحث ایمن و هفته در نشر از انور.

آبونه بدلی

سنه لکی

القی آیلنی

ممالک عثمانیه ایچون	۸۰	۴۰	غروش
روسیه	»	۳۰۵	روبله
سائر ممالک اجنبیه	۱۷	۹	فرانق

صاحب و مؤسسلری :

ابوالعلا زین العابدین - ح . اشرف ادیب

تاریخ تأسیسی

۱۰ تموز ۳۲۴

درسعادتده نسخه سی ۵۰ پاره در

قیرله دن مقوا بورو ایله کوندریلیرسه سنوی
۲۰ غروش فضله آلنیر

عدد : ۷۸

۲۱ صفر اخیر ۳۲۸ پنجشنبه ۱۸ شباط ۳۲۵

اوچنچی جلد

ایتم که مجبور قائله جقدر. مع مافیه اسپانیانک ضایعاتی نهایت بر انکسار خیالین عبارت اوله جغندن اصل خنجرک فاسک قلبه صاپلانه جفی درکاردره. المانیا بویه بر تشبده بولمق ایچون شبهه سزدرکه فرانسه نك موافقتی خفیا بر قارشیلق تأمین ایدرک استحصال ایلشددر. افغانستاندن ماعدا حکومت اسلامیة حقنده میندولا استعمار ایدلمکده اولان تمامیت ملکیه قضیه سنی فاس ایچون تحت تأمینه آلان الجزیره مقررراتنک احکامی ایکی قوی اراسنده متساویاً اخلاص اولنورسه طبیعی بر سیراتی ظهور ایتمز. امضا صاحبیری کنندیلری ازعاج اولنماق شرطیه هر شیئی خوش کوریویررلر. اوروپانک موازنه سنده کی اهمیتندن حقوق دول علماسنک کمال آب وتاب ایله بحث ونشریح ایدیه کلیکده اولدقلری برلین معاهده سنی احکامنه قارشو صوک زمانلرده کی تجاوزات ایله نتایجی میدانددر: برایکی شدیدالمال نطق، متلاشیانه تلاقیلر، صیقی فیقی مذاکرلر، ضعیفه صبروتحمل توصیه سنی وقوتلی بولنماسندن طولانی سرزنش لر، قوی نك بوبورلنمی اوزرینه اوروپانک فدیة صاچی اولق اوزره امر واقعک تصدیقی ونهایت پارلمنتورلرده تشبثات واقعه یی صلح عالم ایچون برضمان قوی کوستره رك اعلان مباهات ...

فاس حکومتی پارس وبرلین معاهده لرینک بویولده کی عواقبی الجزیره مقررراتنک نامزد بولسدینی نتایج مماثلهی درپیش ایدرک عبرت بین ومتبصر اولمی وملكی شاهرآه ترقی یی ایصال ایدیه جك اصلاحات ایچون برآن اول تشمیرساق غیرت ایتلیدر. یوقسه احوال واستقبال بك مظالمدر. حکومت موجوده اسلامیة نك الك قدیمی بولنان فاس دولتنک یکرمنجی عصرده میلیونلرجه نفوسدن مرکب اولدینی حالده تحت اسارت کیرمی بتون عالم اسلامه غیر قابل التیام برجریمه اولور.

امیر عبدالحفیظ حضر تلرینک ذکا وبصیرت لرندن امید ایدرز که فاسک کچیرمکده اولدینی شو بحرانلی دقیقه لرده درعهده ایلدکاری وظیفه نك درجه مسئولیتی تقدیر ایدرلرده بر ایککنجی ابو عبدالله الصغیر اولمقدن حذرآحفاظه موجودیت ایچون ایجاب ایدن تکاملات مادیه ومعنوییه یی تأمین ایدیه جك اسباب ووسائله برآن اول تشبث بیوررلر.



تونس

هفته ایچنده انتشار ایدن رفقازمرك استحصال ونشر ایلدکاری معلوماته کوره دولت علیه عثمانیه نك آیالات مختاره سندن بولنان تونس ایله طرابلس غرب ولایتی بیننده کی حدودک لزوم تحدیدنن متولد فرانسه ایله آرامزده تحوٹ ایدن اختلافک بو دفعه دولتمزک نقطه نظری محافظه اولمق صورتیه نتیجه نندیکی آکلاشلمقدهدر.

حکومت مزک بومسئلهده فرانسه یی مخاطب طانیه میه جغندن طولانی تحدید حدود قومیسسیوننه تونس طرفدن مأمور اوله جق ذواتک والی ایالت جانبدن تعیین اقتضا ایدیه جکی اساسنه دائر اولان نقطه نظری فرانسه حکومتی قبول ایلشددر.

ناقابل الاندراسی اسلامیة هر بریمز دائماً مدافع مستقلى اولدیغمز واوله جغمزی وتدرس ایلدیکمز علوم وفنون ایله حقایق اسلامیة نك نظر مزده برقات دها تعالی ایلدیکنی علناً بیان ووجائب حقیقی اتیان ایلرز. فی ۵ شباط سنه ۳۲۵

مکاتب عالیہ نامنه

دارالفنون حقوق شعبه سنی منتهی صنفندن علاءالدین جیل، دارالفنون ادبیات شعبه سندن مأذون حقوق شعبه سنی مداوملرندن احمدنوری، دارالفنون صنایع نفیسه شعبه سندن معمارزاده محمدعلی، مکاتب عالیہ دن جلال، حقوق منتهی صنف طلبه سندن ح. ابراهیم، حقوق ایککنجی سنه مداوملرندن حامی عثمان، مکاتب عالیہ نامنه ع. کمالی، طبیه دن اسماعیل حق، مکاتب حقوق منتهی صنفندن ابراهیم علاءالدین، مکاتب حقوقدن علی جمال، حسن تحسین، حسن فهمی، طبیه دن بشکطاشلی علی رضا، محمد نوری، نهاد، احسان، حسین کاظم، احمد راغب، مکاتب عالیہ نامنه ص. غالب، حقوقدن کاظم، نوری عالی، حسین حسنی، نوری، بروسل سلیمان فهمی، شاملی ابراهیم حق، مکاتب حقوقدن ناهید، دارالفنوندن سلیمان، صنایع نفیسه دن نظارالدین، منتسبین حقوقدن ابراهیم، مکاتب حقوقدن محمد صفی الدین، مکاتب حقوقدن یوسف سعاد، دارالفنون ادبیات شعبه سندن مأذون حقوق شعبه سنه مداوم محمد نجاتی

عالم اسلام

فاس

آژانس تلغرافلرندن آکلادیغمزه کوره فاس امیری حضر تلری کال نفرته رد ایله یکی فرانسه نك استقراض شرائطی بودفعه تمامیه قبول ایلشددر.

ایشته نتیجه؛ تحسینات یومیه میه مستند سیاستلرندن شکایت وسیله سیله کیچن هفته کی تمیزمزه محق اولدیغمزی کویستریور. عبدالحمید واری اولان بوقیل بولایقه لر البته بویه خجالتله نتیجه لیر. تأسف اولورکه فاس حکومتی الآن موقعه نك وخامتی تقدیر ایدیه میور، اجانبک نه درجه لرده مطمح نظاری اولدینی دوشونمک ایسته میور.

فاس رجال حکومتی تأمل ایتلیدرلرکه؛ حال حاضر لرینک دوامی فرانسه و آلمانیا منافعه نك تضاد تأمین ایدیور. فقط بو وضعیت طول مدت تمادی ایدیه مز. برکون اولورکه اختلاف مبدل ائتلاف اولور. نته کیم صوک هفته وقایعی اوکونک بك یاقلاشمش اولدینی انکار قبول ایتمز صورتده نظاره جاریور.

آژانس تلغرافلری اسپانیالیلرک دائرة نفوذنده بولمق حسیده بالنسبه مأمون الغائله بولنان نقاطک آلمانیا جانبدن امیر مرحوم مولای حسن حضر تلری طرفدن کنندیلرینه ترک ایدلمش اولدینی ادعاسیه اشغاله باشلانیدینی خبر ویریور.

اسپانیا طبیعیدرکه لندن قاجیرمقده اولدینی باغلی پارچه دن طولانی متأثر ومتلاشی اوله جق - نته کیم پروتستورلرده بولمشدر - فقط ضعیف طولایسیه (الحکم لمن غلب) دستور لایتغیرینه سرفرو

دولتمز طرفندن تونسہ بخش اولنان فرمان اقتضاسنجه والی تحدید حدودہ دائرہ مقاولہ عقدینہ مأذون اولدیغندن وهله شو قرار دولتمز جه فرمانك لهمزه اولان بر حکمنی اسقاط و طولایسیله استناد ایتکده اولدیغمز اساسك طرفزدن نقضنی انتاج ایدر بر حال شککنده تلقی اولنه بیلیرسه ده فرمانده کی اوقیدك متبوع ایله تابع آردسندن داخلی امورده اتخاذا اولنان بوقیل تدابیر حدودیه به شمولی اولیوب تونس بکنك استقلال خارجی به تعلق ایدن حکومت اجنبیه ایله معاهده عقدینہ مصروف بولمسنندن ناشی شو حرکت مزله فرمانك حکمنه قطعاً خلل طاری اوله میه جنسندن حوادتك صحتی حالتده قایینه مز بالنتیجه احراز موفقیت ایتش دیمکدر .

بجرائلی بر صرهدہ يك چوق کشمکش غوائل آردسندن بوقدر جق اولسون بر موفقیت تأمینیه مستلزم شکراندر .

معلومدر که تونس دولت علیه عثمانیه به تابع بر ایالت اسلامیهدر . معهود جزائر یکی حسین دایینك توقادی مسئله سندن تولد ایدن جزائر فلاکتندن صوکره دولت آفریقاده کی حقوقی برقات دها محافظه به ساعی اوله رق تونس و طرابلس غربیه عسکر و پولتیقه مأموری اولق اوزره رستم پاشایی کوندرمش وقول اوغلی نامنده کی اداره محلیه بی قالدیرمش ایدی . حتی طرابلس غربیه ولایت تشکیلاتی بوسره لرده یالیشدر . کوستردیکمز شودقت و تیقظ اول زمانلر دخی تونسك استقلالندن بحث ایتکده اولان فرانسه حکومتك اشمئزازنی موجب اولمش و فقط تونسك دولته اولان روابطی انکار اولنه ماز درجه ده ظاهر و عیان اولدیغندن و دولتك محارباتده تونسدن عسکر بیله آلمقده اولدینی جمله جه مشهود بولدیغندن شو اشمئزاز بر شکل مادی اعتراض اکتسا ایدم مامشدر . مع مافیه فرانسه حکومتده کوریان بو غریب حالت روحیه حکومتك برقات دها مسئله به نظر دقتنی جلب ایتش و مستقبلاً هر درلو سوء تفهمه محل قالمق اوزره تونس یکی صادق پاشایه بر مأموریت فرمانی کوندرلمشدر که بوفرمانده :

- ۱ — والیلتك وراثت اساسی قبول اولنق صورتیله صادق پاشانك عهده سنده بر اقلدینی وحل وقوعنده وارث اکبرك وزارت و مشیریت پایه سیله مقام ولایتہ نصب اولنه جنی .
- ۲ — خطبه و سکه نك نام هایونه اوله جنی .
- ۳ — سنجاغك رنك و شککنده قاله جنی .
- ۴ — تونسك محارباتده کما کان دولته معاونت وظیفه سیله مکلف بولنه جنی .

۵ — روابط موجوده آتیا دخی معتبر طوتیله جنی .
صراحتلری موجود اولدینی کی امارتك من القدیم ویرمکده اولدینی ویرکونك عفونی و والی نك عزل و نصب مأمورین و حکامه و اجرای عدالت و صلاحیتی و مواد سیاسی و حربیه و تغیر حدوددن ماعدا احوالده دول اجنبیه ایله مقاوله عقدینده مأذونیتی محتوی بولمقده در . دولت تونسده کی وضعیتی شو صورتله تعیین ایدنجه فرانسه حکومتی ارتق خشنود سزانی کتمه لزوم کورمیه رنك فرمانك تونسده قرائتنه

مانع اولمغه قالدشمش و فرمانی ایصاله مأمور حیدر افندی مرحومك — ویانه سفیری — قریه چیقمنی منع ایشدر . بز بومالعه او زمانده آلدرمامش انکلترونك معاوتیله قریه چیقاراق فرمانی اوقوتمنه موفق اولمش ایدك . فقط صوکرادن سیاست حکومته عارض اولان تذبذبدن طولایی فرانسه حکومتی میدانی کنیش بولهرق تونسلیلره حدندن فضله اقراضاتده بولمش و نهایت مصرده اولدینی کی بورجلارك تکثری طولایسیله اقتصاداً تونسہ تخطی به موفق اولمشدر . ایمدی حاصل اولان شو موفقیتدن صوکره فرانسه حکومتی ایچون یاییله جق شیء فعلاً مداخله اسبابی احضاردن عبارت قالیوردی . جمله مزله بوفرستی دخی رقبایه تأمینده کچیکمه دك . وطن مزده بالدفعات مشاهده اولدینی کی ینه برجاهل عشیرت یکی طاشقنلقلر کوسترمکه باشلامش و درحال فرانسه حکومتی بوعشیرت بکنك کویا جزائر اولان تسلطانی منع بهانه سیله تونس اراضیسندن تعقیب اشیایه قویلشدر .

بز مسئله بی ا کلامق داعیه سنده ایکن فرانسه حکومتی والی پی صیق بوغاز ایتك صورتیله باردو مقاوله سنی عقد ایتدیر بیور . و کویا بو مقاوله ایله تونس ایالت عثمانیه سی فرانسه حکومتك حمایه سنی قبول ایتش اولیوردی . بز بویله بر نتیجه بی طبعیدر که قبول ایدم مزدك . بر معتاد غصب واقعدن طولایی سیاسی و اوایل لرده بولندق . پروتستولر ایتدك . تونس یکی حقوق دول نظرندم عقدینہ مأذون اولدینی برشیء قبول ایتمشدر بناء علیه کآن لم یکندر دیدك . فقط افسوس قوتك تحت تأییدنده بولنمان بوقیل اعتراضات حقوق دول علماسی محیطندن بشقه بر معکس بوله مامش و نظریات علمیه و مدونات حقوقیه نك بزم ایله برابر اولسنه و بیابیلان حق سزلفك تأویل قبول ایتمز صورتده جلی و آشکار بولمسنه رغماً قوتمزك فقدانی باشمزدده عبدالحمید بلای مبرمنك بولمنی حسیله حرکات و معاملات غصیه طور دیر یله مامشدر . نهایت دور استبداد مسائل سائرده اولدینی کی بو مسئله بی ده علاوه ایلدیکی کور دو کوملرله مشروطیته دور ایله مشدر .

مع مافیه عبدالحمیدك دور منحو سنده ده فرانسه نك بوراده کی تونسلیلر اوزرنده حق حمایه سی قبول اولنماش و حتی شمیدیکی تونس والیسنك فرانسه بی زیارتنده مراسم مقتضیه سفیریمزك دلالتیله وقوع بولهرق یکیدن برسوء مثال تشکیله میدان ویرلماشدر . شمیدی فرانسه حکومتی موجودیتندن بحث ایتدیکمز کور دو کوملری چوزمکدن ایسه بسبتون قطعنی ایسته مکده قایینه مزده چوزمکه ساعی بولمقده در . حکومتك مسلك خارجیسی حقنده قریباً اجرایی متواتر استیضاحه جواباً احتمالکه صدر اعظم پاشا حضرتلری صدره شفا ویریر معلومات ایله مسئله بی انظار عمومیه به وضع بیوریرلر .

دور عالم

هندستانی تکمیل جولان ایتدکدن صوکره حجاز مغفرت طرازه ، هندستان حاجیلریله برابر عزیمت ایلدك . هندستانده کی پیسلکک نه درجه ده اولدیغنی مقدمایاز مشدم . هندستان حاجیلری حقنده ویره جکم

کانون اول ۶ ده والی ولایت محمد امین بك جنابلی بڑه اعاده زیارت ایتدی و بوکوندن اعتباراً بن حرم شریفه وعظه چیقوب ترکی وعربی لسانلرنده خطبه لر اوقومغه باشلام، هر کون بعدالظهر خطبه لر من دوام ایتدی. حاضرین ایکی اوج بیکی متجاوز ایدی. امراء و ضابطان ده کلیورلردی.

بوسنه حجاز مغنرت طراز عموماً امن و راحتده در. غرایبندن اولق اوزره برنجی دفعه اوله رق، ژاپونیه لی مسلمان عمر افندی (یاما اوقه) رفیق جنابلی حول کعبه ده طواف ایده رک اداء حج شرفنده نائل اولدی.

عمر افندی (یاما اوقه) هان اوتوز یاشی اکیال ایتش برکنج در: انگلیز، روس، چین، قوره لسانلرنده مکمل مهارتی اولدقدن ماعدا، فرانسز، نمسه لسانلرنده دخی بر آرز تکلم ایدر، وظیفه رسمیه سی ده ژاپونیا پای تختی اولان توکیو دارالفنون مکتبنده لسان اجنبی معلملیکدر.

دیمک عمر افندی برنجی ژاپونیا لی حاجیدر.

ایکنجی مکتوب

مکه مکرمه ده بوسنه صحت عمومیه بر کمال اولوب، دکل امراض ساریه، حتی عادی نزله کی خسته لقلر بیله یوقدر. مع مافیه احتیاطاً بش کون قرانتینه تعین اولمشدر.

حاجی لر قرانتینه یه هیچ راضی دکلر، هر طرفه خصوصاً هندستان حاجی لری چوق شکایت ایتمکده درلر. مع مافیه بوانفعالات یالکز سوزده اولوب، اونه طرفه کچه میور. قبل العرفات شکایتنامه لر یازمق فکری دولاشیوردی. عرفاتدن ایندیکی کبی هان هر شی اونوتولدی، بعضی لر جده یه و بعضی لر یزده مدینه یه عزیمت تدارکنده بولنه رق نفسی نفسی اولدی کیتدی. شکایت نامه لری ترتیب ایده جک آدم لر اولدینی کبی آرقاسندن تعقیب ایده جک آدم لره چیقمادی. قرانتینه حقنده کی حاجی لرک شکایتلری اصل قرانتینه حقنده دکل، بلکه قرانتینه بهانه سیله یا بقمده اولان تجاوزات و تحقیراته قارشو در. قانون صحیه محدود اولیوب عموماً بلا استثنا هر کسه شامل اولمیدر. بر یرده خسته لق اولورسه، قرانتنده هر کس ایچسون علی السویه تعین اولملی. حالبوکه هندستاندن آقین آقین کلوب کیتمکده اولان واپورلر آراسنده حاجی واپورندن ماعدا هیچ بر واپورده قرانتینه تکلیف اولمیور. روسیه دن هر هفته استانبوله واپورلر کلیور. هیچ برینه استانبوله دخوله نماعت اولمیدینی حالد حاجی لر واپورینه نماعت اولمیور. بر موجب قانون بر مملکت ده خسته لق اولورسه، او مملکتدن چیقمش یولجیله بر کره قرانتینه مدتی تعین لازم کلورکن، پترسبورغده، بومبای ده خسته لق اولدینی زمانده حاجی دن ماعدا یولجیله قرانتینه دکل تخیر بیله ایتمیورلر. حالبوکه حاجیله ایکیشر قات قرانتینه تکلیف اولمیور: طورده، بیرونده، فیدوسیه [قریمده بر شهردر] ده قرانتینه اولمیور. ایشه حاجی لر شو حاللردن شکایت ایدیورلر.

معلوماتی صوکره یه تأخیر ایدرک شمدیلک شونی عرض ایده جکم: بینمش اولدیغمز واپور علی العاده ۱۴ میل سرعتله سیر ایدر واپور ایدی. دروننده بیک یوز الی قدر حاجی اولدینی حالد واپور اوزرنده لرلر اوقدر واسع ایدیکه اوچنجی موقع ده بیله بر جوق لرلر آچیق ایدی. مع مافیه واپور مأمورلری هندستان خلقتک پیسلکنندن اوقدر قورقارلر مش که، برنجی موقع قماره لر بیله اوچنجی موقع بیننده تفریساتجه هیچ بر فرق یوقدی. قماره لرک مفروشاتی کاملاً طویلانش ایدی. بیله معامله یا بقمده معذور ایشلر. چونکه قماره لر حاجی لر طرفندن پیسلنش، هر یره، حتی صالونلر قدر اودونلر طولدورلش و هر بر گوشه سندده منغاللر یا قلمش، قارمه قاریشق برحاله کلشیدی. بڑه نیچون برنجی قماره یه پاره ویردیکمزی بیله میهرک کلدک، یالکز بزدکل، اوتوز قدر برنجی قماره یولجیلرینک هپسندده بو حال بهت و حیرت نمایان اولیوردی. بوندن ماعدا واپور طائفه لری، و خدمتجیلر نظر نده دخی برنجی موقع یولجیسی ایله اوچنجی موقع یولجیسی آراسنده بر فرق یوق ایدی. هپسی عینی تحقیر آمیز معامله یه معروض بولیورلردی. حتی ۳ نجی موقع یولجیلرینه بیلنلرینه باقهرق نه قدر صو ویرلرسه، برنجی قماره یولجیلرینه عینی معامله ده بولیورلردی. نه ایسه بوجهتدن مساواته رعایت اولمیوردی. یالکز فینات اوج قات. دیرکن باب مندبدن کیچهرک قران تحفظخانه سینده کلدک. بوراده انگلیز نیچه سندن کچه جکمزی تصویر ایتمکده ایدک، فقط بزم مطالعه مزده خطا اولدی، عثمانی تحفظخانه سی عثمانی دو قوتورلری و مأمورلری ایش. فوق العاده التفاتلره نائل اوله رق کمال استراحت ایله یدی کون وقت یکچیردک، حتی ژاپونیا لی رفیق عمر افندی (یاما اوقه) ده تحفظخانه نه نک انتظامندن متحیر قالدی.

انتظام و حاجیله احترام حقیقه فوق العاده ایدی، هله دو قوتورلری آراسنده دخی شکری عثمان، فوآد، و شکری محمد بکک غایت نازک ناموسلی وجدی آدم لر ایدی، رشوت قابوسنی قطعاً قایتمشلردی. حاج مسلمان ایله قرانتینه موقعنده مدت معلومه مزی یکچیردکن صوکره کانون اولک برنجی کونی قراندن حرکت ایده رک ارض حازه توجه ایلدک، ۳ کانون اولده جده مبارک یه کلهرک، بعض احبا ایله ملاقات دن صوکره صدیق قدیم و دوست حقیقیمز اولان اسفندیار افندیکنک خانه دولترنده بر آرز استراحت ایدرک علی العجله حاضرلنش حیوانلره را کبلاً مکه مکرمه یه عزیمت ایلدک. الحمدلله ثم الحمدلله، کمال استراحت ایله ۴ کانون اولده طواف سعیرمزی بالاتمام مولانا الشیخ محمد مراد افندی خانه دولترینه مهمان اولدق.

ایرتسی کونی علی الصباح جناب مولانا الشیخ عبدالله زواوی وسائر سادات مکدن برخیلی ذوات زیارت مزه کلدیله، بڑه بر کون استراحت دن صوکره والی ولایت حجاز محمد امین بك جنابلرینی، و امیر مکه مکرمه شریف حسین جنابلرینی زیارت ایتدک، ایرتسی کونی مصر القاهره اوقاف ناظری احمد خیری پاشا جنابلریله خدیو دیوانی رئیس شفیق پاشا جنابلرینی زیارت ایتدک و بر جوق علماء مصر ایلده کسب معارفه و مودت ایلدک.

بو سنه حجازده رحمت چوق . هر طرفده شدتلی یا غمور لر اولوب
امن و راحت ، برکت امید ایدلمکده در . بعض افراط جیبارک
غزته ستونلرنده والی وکیلی محمد امین بك ، و شریف حسین حقنده
روا کوردکاری بر طاقم تفوّهاته رغماً عمومیتله حجاز احوالنده آثار
صلاح کورلمکده در : راتب شریف عون زماننده اوتوز بش مجیدیه لره
قدر چیقسان دوه اجرتلری شمدی بردن بره ۱۸ مجیدیه تزیل
اولمشدر ؛ صولرک کثرتی ، سوقاقلرک نظافتی بشقه سنه لره قیاس
اولمیه جق بر حالده در ؛ مکّه مکرمده منتظم صورتده مکاتب صبیان
آچلمش و حالاً آچلمقده در . عن قریب بدوی چوققلرینه مخصوص
مکتبلر آچیله جنی تحت قراره آلمش ، واسبابنه تشبث اولمشدر .
و بشقه جهتلردن دخی اصلاحاته باشلامقده اولدینی کورولور .
مدینه منوره دن کلکده اولان حاجی قافله سننده کی وقوعاتده مکّه
شریفنک هیچ دخلی اولوب ، آنجق دلیللردن کاش بر قصور ،
یا خود تربیه سزلک اولدینی محققدر .

« قران : بیان الحق » عبدالرشید ابراهیم

آرناوردلقدہ صرف مسئلہ

و

حروف عربیہ ک حکومتیہ قبولی

رسمی قوصوه غزته سندن عیناً آلمشدر :

کچنده یازدیغز بر مقاله ده حکومت مستبدّه زائله طرفندن جسارت
معنویله لری اولدیلویرب مدنیتهک اوج بالای ترقیه صعود ایندیکی شو زمان
ترقی نشانده کندیلری بروحشت مطلقه ایچنده یاشادیلرلق ایستیلن وفی الحقیقه
فکراً و معنأ تنور ایدنلری بیکده بر درجه سنده بیله بولنیمان آرناوود قوم
نجیبی انقلاب مسعودی متعاقب شهرا مدینتده نه درجه کری قالمش اولدقلرینی
کوردک اکتساب معارفه فوق العاده اظهار خواهش ایتش اولدقلری اوزون
اوزادی به یازلمشدی .

آنجق ایشک نره دن باشلاملی ایجاب ایده جکی جای تأمل اولدیغندن
اولا آرناوود لسانک جمع وتدوینی ایچون اجرای تشبثاته لزوم کورلمش و
آرناوود مبعوثانی ایله افکار منوره اصحابی ایکی به آریله رق بر قسمی قرق الای
سنه اول شمس الدین سامی بك مرحوم کی بعض دهاته طرفندن لاتین حروفندن
بالاستعانه آرناوود لسانی ایچون اختراع ایدیلن لاتینجه یعنی اقوام غریبه لسانی
کی صولدن صاغه طوغری یازیلان حروفی سهولت تعلیمندن ناشی ترجیح
وقبول ایتدکاری حالده دیگر قسمی عموم اقوام اسلامیه نک ، کندیلری نه
لسان ایله متکلم اولورسه اولسونلر امر تعلیم و تعلیمی حروف عربیه ایله اجرا
ایتدکاری و دیگر طرفجه ادعا ایدلکی وجهله بویوزدن بدایه براز صعوبت
کورولسه بیله جامعه اسلامیت حیثیتله حروف عربیه نک آرناوود لسانک
تدوین و تعلیمی ایچون قبولی ضروری اولدینی نظریه سنی پیشگاه انظار بصیرته
قویمش و طرفینجه بوبابده ایراد ایدیلن ادله وشواهد افکار اهالی آردسنده
بك شدید جریانلر حصوله کتیرمشدی .

حال بوکه مناقشات ایله بهوده بره اضاعه اوقات ایدلمکده اولدینی
وسائر وطداشلر من شهرا ترقیده بلا تأخر قطع مراحل ایتدکاری انظار
دقیقه بینانی جلب ایتدیکندن بوبابده کی اختلافاتک سریعاً ازاله سیله مکاتب
پروگراملرینک کندی قبول ایتش اولدقلری حروف ایله ترتیبی ایچون هر
ایکی طرف مقام جلیل صدارته مراجعت ایتدکاری کی هراکی نوع حروفله
وعلیمنده هر طرفده متینلر عقد اولمغه و تلغرافلره مقاماته اشعاراته باشلامش
ایدی .

فی الحقیقه بو کشمکشلر اده سننده قیمتدار وقتلرک ضیاعی موجب تأسف
اولدیغندن معارف نظارتی ۲۳ کانون ثانی ۳۲۵ تاریخلی بر تلغرافنامه سیله
آرناوود لساننده هر ایکی حروف ایله اثرلر تألیف ونشر ایدلمش اولوب
حروف الفبائییه لسانک برجستی بولدیغنه وبر لسانک تحریر کلماتی ایچون
قبول ایدلمش اولان حروفک استعمالی مجاز بولدیغنه بناء اصحاب لسان
تخیر ایدلمش ایسده ایش ینه سکونتیا ب اولامشدر .

چونکه طرفین کندی فکری قبول ایتدیرمک ایچون ادهالرنده ومتینلر
عقدنده مصر بولنیوردی . شمدی ایشی فصل ایده جک جهت ، اکثریتک
آرزو ایله جکی حروف اوزرنده تمرکز ایده جک ایدی که ایسته بو نتیجه ده
اخیراً حاصل اولدی . حکومتجه ده آرناوود لسانک حروف عربیه ایله
تعلیم ایدلمی قبول ایدلدی . معارف نظارتی شو تلغرافنامه سیله کیفیت
آرناودلق والیرینه اشعار ایتش ، ولایتز ایجاب ایدن محملره تبلیغات
لازمه اجرا ایشدر . تلغرافنامه صورتی شودر :

قوصوه ولایتنه

نومرو ۶۱۰۶۸

۲۳ کانون ثانی سنه ۳۲۵ تاریخلی تلغرافنامه ده مکتبلرده آرناوودجه
تعلیمی ایچون استعمال ایدیله جک حروفک انتخابی حکومت اصحاب لسانک
اختیارینه ترک وبو خصوصده بی طرف بولمشدی . او وقتدن بری ولایتکزدن
واقع اولان اشعارات متوالیه دن حروف عربیه نک هان عمومیتله قبول اولدینی
واهای هان کاملاً لاتین حروفی استعمالی علیمنده بولدینی اکلشلمش اولمغه
داخل ولایتده آرناوودجه تدیس اولنان مکتبلرده بولسانک محصرأ حروف
عربیه ایله تعلیم اولنمی اقتضا ایده جکی بیان اولنور .

معارف ناظری امراه

۶ شباط سنه ۳۲۵

استخباراتمه نظراً حکومتک اشبو مسئله بی بویوله قبولی اوزرینه
آرناوود لسانک حروف عربیه ایله تدوینی حقنده تنظیم ایدلمش اولان مختلف
الفا کتابلری بالتدقیق ارباب فضل و کالدن ولسان مذکورک غوامضنه واقف
ذواتدن مناسط مفتیمی قالداندلی رجب جودی افندیکنک تألیف ایتش اولدینی
الفا مقصده موافق کورلمش وتدریساتک اونکله اجراسی قرارلشدیرلمشدر .
مدید برطاقم مناقشات ایله اضاعه ایدیلن قیمتلی وقتلره جدأ آجیرز .
هر ساعت ودقیقه من اوقدر قیمتداردرکه تعریف قبول ایتز . ترقینک استرقاب
اولدینی وهرملتک دیو آدیملریله ایلریله کی برزمانده بولنیورز . بویله برعهد
مشروطیت وعدالنده آرناوود قارداشلر منک سلم ترقینک قدمه اولیننده بولنلرینه
جان وکوکلدن تأسف اولنور ایدی . فقط کندیلری حائر اولدقلری ذکاوت
مفرطه سایه سننده ضایع ایتدکاری زمانی اتشاءه آز وقت ایچنده تضمین
ایده جکلرینه امیدمن برکالدر .

روسیه اسلاملری

سن پترسبورغدن عثمانیشرلویده یازدیغنه نظراً ایکی سنه دنبری
روسیه نک داخلی پولتیقه سننده مشهود اولان عکس العمل ، اوتوز
میلیونی متجاوز اسلاملر اوزرنده بر تأثیر حصوله کتیرمکدن خالی
قالمامشدر . اسلاملر ، حال وموقعلرینک کوندن کونه کسب مشکلات
ایتدیکنی کورنجه بالطبع عدم خشنودی اظهار ایدیورلر .

مسلمانلری اک زیاده داکیر ایدن ، ابتدائی مکاتبک احوال
حاضره سیدر . اسلاملر هر زمان قانونه اطاعت ایدرک حرکات اختلالکارانه به
هیچ برزمان اشتراک ایلدکاری جهته بش سنه اول برچوق مکتبلر
کشاد ایتلرینه مأذونیت ویرلدی . بوکون اختلالجیلر مغلوب اولدقلری
جهته حکومتک اسلاملرک ایتدیکنی خدماته احتیاجی قالدی . پک واهی
بهانه لره اسلام مکاتبی سد ایدیلیور . مکتبلری قیامق ایچون اک زیاده